

tijela koje Gradsko vijeće osniva radi pripremanja i razmatranja prijedloga odluka i drugih akata, praćenja i proučavanja pitanja iz nadležnosti Gradskog vijeća,

(2) „Funkcija“ označava neposredni ili posredni mandat i sve odgovornosti koje obavlja izabrani zvaničnik sa takvim mandatom.

Član 5.

(Savjetnici gradonačelnika i organi rukovođenja i upravljanja JU i JP)

Odredbe ovog Kodeksa primjenjuju se i na savjetnike gradonačelnika, imenovane u skladu sa Zakonom o državnoj službi u Federaciji Bosne i Hercegovine, te direktore i organe upravljanja javnih ustanova i preduzeća koje imenuje ili daje suglasnost Gradsko vijeće kao osnivač.

DIO TREĆI- OSNOVNI PRINCIPI PONAŠANJA

Poglavlje I. Opći principi

Član 6.

(Zakornost)

Izabrani zvaničnici preuzimanjem dužnosti obavezuju se na poštivanje Ustava i zakona Bosne i Hercegovine, Federacije Bosne i Hercegovine, Unsko-sanskog kantona, Statuta Grada Bihaća, ovog Kodeksa i drugih propisa, bez obzira na političku pripadnost i naklonost.

Član 7.

(Opći interes)

U vršenju povjerene funkcije, izabrani zvaničnici radit će u općem interesu, zalagati se za ljudska prava i slobode, ravnopravnost naroda i građana, ravnopravnost spolova, te primjerenim ponašanjem pridonositi ugledu funkcije koju obavljaju.

Član 8.

(Ciljevi obavljanja funkcije)

Izabrani zvaničnici će obavljati povjerenu funkciju savjesno i odgovorno, uz naglašenu otvorenost i spremnost da odgovaraju za svoje odluke, djelovanja i ponašanja.

Član 9.

(Standardi ponašanja koji se promovisu ovim Kodeksom)

Ovim Kodeksom se potiče:

- a) kvalitetno obavljanje preuzete dužnosti;
- b) visoki i dosljedni standardi ponašanja;
- c) timski rad i kolegijalnost;

- d) rješavanje problema na otvoren i pošten način;
- e) pravednost, uvažavanje, odgovornost;
- f) povećanje povjerenja javnosti prema angažmanu izabranih zvaničnika.

Član 10.

(Ponašanja koja su suprotna ovom Kodeksu)

U suprotnosti je s ovim Kodeksom:

- a) samopromocija, korištenje zajedničkih resursa za vlastite potrebe;
- b) nepristojno reagiranje – umjesto konstruktivnog pristupa problemu (dijalog, debata....);
- c) pronalaženje nejasnoća u zakonu za postizanje nelegitimnih ciljeva;
- d) obmanjivanje s ciljem postizanja vlastitih ciljeva;
- e) manipulacija – tretiranje ljudi kao objekata.

Član 11.

(Ograničenja u vršenju funkcije)

U obavljanju svojih funkcija, izabrani zvaničnici će uvažavati prava i ovlaštenja drugih izabranih zvaničnika, suzdržavati se od podsticanja ili pomaganja u izvršavanju povjerenih funkcija radi dovođenja u privilegovan položaj sebe ili drugih izabranih zvaničnika.

Član 12.

(O pravu pozivanja na imunitet)

Prema važećem Zakonu o imunitetu („Službeni glasnik BiH“, broj 37/03) i („Službene novine Federacije BiH“, broj 19/03), izabrani zvaničnici u jedinicama lokalne samouprave nisu određeni kao osobe koje se, za postupke izvršene u okviru njihovih dužnosti, imaju pravo pozvati na svoj imunitet u krivičnom, parničnom ili prekršajnom postupku.

Član 13.

(Krivični i parnični postupak)

(1) Krivični i parnični postupak protiv izabranog zvaničnika vodi se prema važećem Zakonu o krivičnom i Zakonu o parničnom postupku.

(2) Ukoliko izabrani zvaničnik počini krivično djelo u obavljanju svoje dužnosti, organi Grada Bihaća će poduzeti mjere kako bi se sačuvali tragovi krivičnog djela, predmeti na kojima je ili pomoću kojih je, učinjeno krivično djelo, odnosno drugi dokazi o njima i obavijestiti će policiju ili Tužilaštvo bez odlaganja.

(3) Na način opisan u stavu (2) ovog člana, organi Grada postupiće kada izabrani zvaničnik u obavljanju svoje dužnosti počini prekršaj iz Zakona o javnom redu i miru („Službeni glasnik Unsko-sanskog kantona“, broj:15/10) .

POGLAVLJE II. POSEBNE OBAVEZE**Odjeljak A. Stupanje na dužnost****Član 14.
(Izborna kampanja)**

(1) Izabrani zvaničnici koji su kandidati za određenu funkciju u toku kampanje težiti će pridobijanju glasova poštenim i argumentovanim istupom, bez nekorektnog odnosa prema ostalim kandidatima u kampanji.

(2) Izborna kampanja izabranih zvaničnika koji su kandidati za određenu funkciju imat će za cilj da pruži informacije i objašnjenja o njihovim političkim programima.

**Član 15.
(Neprimjereno ponašanje u toku
izborne kampanje)**

(1) Vođenje postupka protiv izabranih zvaničnika za kršenje odredbi Izbornog zakona Bosne i Hercegovine koji je pokrenut kod Centralne izborne komisije Bosne i Hercegovine (u daljnjem tekstu: Centralna izborna komisija) ne isključuje pravo Gradskog vijeća, da za neprimjereno ponašanje izabranih zvaničnika u toku izborne kampanje, koje narušava ugled organa Grada Bihaća i vrijeđa ljudsko dostojanstvo drugih izabranih zvaničnika i zaposlenih u gradskoj upravi, javno osudi takvo ponašanje.

(2) Neprimjereno ponašanje podrazumijeva, ali se ne ograničava na: korištenje uvredljivog riječnika i klevete na račun izabranih zvaničnika organa Grada i drugih zaposlenih lica, korištenje nasilja, prijetnji i slično.

ODJELJAK B. VRŠENJE DUŽNOSTI**Član 16.
(Zabrana favoriziranja)**

Izabrani zvaničnici, djelujući u interesu Grada Bihaća i dužnostima izbornog tijela ili funkcije na koju su imenovani, odnosno izabrani, neće zloupotrebjavati svoja ovlaštenja u svrhu vlastitog interesa, interesa drugih pojedinaca ili grupa.

**Član 17.
(Zabrana vršenja vlasti za vlastitu korist)**

Izabrani zvaničnici neće vršiti svoje funkcije odnosno koristiti ovlaštenja svog položaja s ciljem ostvarivanja svojih vlastitih, direktnih ili indirektnih privatnih ili ličnih interesa.

**Član 18.
(Sukob interesa)**

(1) Prema odredbama Zakona o sukobu interesa, izabrani zvaničnici ne smiju svoj privatni interes stavljati iznad javnog interesa niti koristiti javnu

funkciju za ličnu dobit lica koje je sa njima povezano.

(2) Kada Gradsko vijeće razmatra pitanje u kojem izabrani zvaničnici ili interesno povezana lica imaju privatni interes, objelodanit će to prije rasprave i glasanja, a izabrani zvaničnik koji ima privatni interes neće učestvovati u glasanju, ako to pravo ostvaruje na osnovu statusa izabranog zvaničnika.

(3) Izabrani zvaničnici će se pridržavati ograničenja istovremenog obavljanja dvije ili više nespojivih dužnosti, a sudržavat će se i od drugih zabranjenih aktivnosti iz člana 10. Zakona o sukobu interesa, kao što su na primjer primanje ili zahtijevanje poklona, obećavanje zaposlenja, privilegovanje lica radi stranačkog ili drugog opredjeljenja i drugo.

**Član 19.
(Vršenje diskrecionih ovlasti)**

Odluke izabranih zvaničnika, u vršenju funkcije zasniivat će se na principima zakonitosti, objektivnosti, odgovornosti i otvorenosti i usklađenosti s javnim interesom. Izabrani zvaničnici prihvataju odgovornost za svoje odluke u izvršavanju povjerenih im dužnosti.

**Član 20.
(Donošenje odluka)**

(1) Odluke izabranih zvaničnika, u vršenju funkcije zasniivat će se na zakonitosti, objektivnosti, odgovornosti i otvorenosti s elementima uravnoteženosti i saglasnosti s općim interesom, uz spremnost na odgovornost za svoje odluke i pri tom će biti lišene bilo kakvog političkog i stranačkog uticaja.

(2) U slučaju etičkih dilema kod donošenja odluka izabrani zvaničnici će se rukovoditi:

- u pitanjima baziranim na konačnim rješenjima – što je u interesu većeg broja ljudi;
- u pitanjima baziranim na pravilu–doprinosi li postupak izabranog zvaničnika da zajednici bude bolje ili lošije;
- u pitanjima baziranim na slučaju –želi li izabrani zvaničnik da njemu neko uradi isto što on radi drugom/drugima.

**Član 21.
(Način komuniciranja)**

(1) U međusobnoj komunikaciji izabrani zvaničnici će izbjegavati sve oblike obmanjivanja, manipulaciju, samopromociju i neučtivost u kreiranju i vođenju dijaloga, poštujući jednaka prava svih na uvažavanje njihove ličnosti i uvjerenja, gradeći na takav način vlastiti dignitet i dignitet Gradskog vijeća i Grada Bihaća.

(2) U odnosu na javnost, izabrani zvaničnik je dužan i obavezan pružiti javnosti sve informacije koje se odnose na obavljanje njegove dužnosti.

Član 22.
(Povjerenje javnosti)

(1) Izabrani zvaničnici usmjeriće svoje ponašanje u skladu s javnim interesom, izbjegavat će konflikte i snažit će povjerenje javnosti prema državnim institucijama.

(2) U tom cilju u ophođenju s građanima poštivat će načelo nediskriminacije i jačati ravnopravnost u ophođenju s građanima bez obzira na njihovu političku opredjeljenost, nacionalnost, spol, rasu, vjeru, uvjerenja, dob, socijalni položaj ili bilo koju drugu osnovu.

Član 23.
(Zabrana korupcije)

Izabrani zvaničnici neće u obavljanju svojih funkcija primati ili davati dodatnu naknadu, obećati nagradu ili kakvu drugu korist ili na bilo koji drugi način se ponašati na način koji se može okarakterisati kao aktivno ili pasivno podmićivanje po važećim zakonima, a koje se može dovesti u vezu sa njegovim podržavanjem ili ne podržavanjem određenog prijedloga akta, pogotovo ako su ti stavovi suprotni ustavu, zakonima, Statutu Grada i drugim propisima.

Član 24.
(Upravljanje resursima)

Izabrani zvaničnici će javnim resursima upravljati na efektivan, efikasan i ekonomičan način, upravljati imovinom Grada u skladu s propisima i općim interesom, neće podsticati na donošenje nepravilnih odluka koje bi mogle donijeti ličnu korist ili ostvarenje nečijeg privatnog interesa, uzdržavajući se od svih aktivnosti koje bi trebale rezultirati izborom, imenovanjem ili postavljanjem lica na određene pozicije, a da pri tome ne provode propise, neobezbijede postupak javne konkurencije i poštivanje principa kvaliteta, profesionalnosti, znanja i sposobnosti.

Član 25.
(Finansijska i budžetska disciplina)

(1) Izabrani zvaničnici će se pridržavati budžetske i finansijske discipline koja obezbeđuje ispravno upravljanje javnim prihodima na način regulisan važećim zakonima.

(2) U obavljanju svojih dužnosti, izabrani zvaničnici neće činiti radnje kojima bi zloupotrebljavali budžetska sredstva i/ili donacije, odnosno koristiti ih direktno ili indirektno u lične svrhe.

Član 26.
(Poštivanje konvencija)

Izabrani zvaničnici su dužni poštivati odredbe Evropske konvencije o zaštiti ljudskih prava, a naročito kada je u pitanju zaštita privatnosti.

Član 27.
(Zabrana obezbjeđivanja određenih službi i poslova)

Prilikom obavljanja svojih funkcija, izabrani zvaničnici neće poduzimati radnje kojima bi sebi obezbijedili buduće lične i profesionalne prednosti po prestanku obavljanja funkcije:

- a) u javnim preduzećima i javnim ustanovama nad kojima su vršili nadzor za vrijeme obavljanja svoje funkcije,
- b) u javnim preduzećima i javnim ustanovama koje su osnovane za vrijeme njihovog mandata.

Član 28.
(Izbor i imenovanja)

Izabrani zvaničnici će se suzdržati od svih aktivnosti koje bi dovele do izbora, imenovanja ili postavljenja lica na određene pozicije, a da se pri tome u cijelosti nisu poštovali propisi, nije obezbjeđen postupak otvorene javne konkurencije, nezavisne provjere i poštivanje principa kvaliteta, znanja i sposobnosti.

**ODJELJAK C. PONAŠANJE NA
SJEDNICI VIJEĆA**

Član 29.
(Ponašanje izabranih zvaničnika na sjednici)

(1) Prihvatanjem ovog Kodeksa, izabrani zvaničnici prihvataju obavezu redovnog prisustvovanja sjednicama Gradskog vijeća, radnih tijela Gradskog vijeća, odnosno drugih organa i tijela.

(2) Osim obaveza utvrđenih članom 37. stav (2), 89. stav (3) i (4) i 100. Poslovnika Gradskog vijeća Bihać („Službeni glasnik Grada Bihaća“, br. 3 /16), (u daljem tekstu: Poslovnik), prihvatanjem ovog Kodeksa, izabrani zvaničnici prihvataju i obavezu:

- a) poštivati zakazano vrijeme sjednice, a u slučaju kašnjenja, kašnjenje najaviti i pridružiti se radu sjednice bez ometanja rada;
- b) po određenom pitanju koje se razmatra na sjednici diskutirati samo u trajanju utvrđenom članom 105. Poslovnika, te se pridržavati vremena utvrđenog članom 101., 102. i 103. Poslovnika, predviđenog za izlaganje po poslovničkoj intervenciji, ispravci netačnog navoda i odgovora na ispravku netačnog navoda, odnosno replike i odgovora na repliku;

- c) za raspravu o pojedinim tačkama dnevnog reda prijaviti se u skladu sa članom 99. Poslovnika, te izbjegavati javljanje kada je diskusija već počela;
- d) ne prekidati govornika i ne obraćati se na sjednicama bez traženja riječi;
- e) donositi odluke oslobođeno od svih predrasuda kao što su pristrasnost prema određenoj političkoj ideologiji, rasi, vjeroispovjesti, naciji, spolu i drugim mogućim predrasadama;
- f) u svojim obraćanjima, kao i prilikom donošenja odgovarajućih odluka ne favorizovati treća lica, grupacije i pojedince kao i lične interese;
- g) u svojim obraćanjima, ne koristiti izraze i riječi koji potiču na mržnju i nasilje;
- h) ne razgovarati međusobno, osim ako je to neophodno, pod uslovom da ne ometaju tok sjednice;
- i) isključiti, odnosno ne koristiti mobilne telefone tokom sjednice;
- j) u toku sjednice, ne čitati materijale koji nisu vezani za rad sjednice;
- k) ne ometati rad sjednice glasnim razgovorima u predprostoru prostorije u kojoj se održava sjednica;
- l) u toku sjednice, ne stajati ili neprimjereno sjediti u sali;
- m) da u vrijeme održavanja sjednice, te na drugim javnim mjestima, gdje učestvuju kao predstavnici organa Grada Bihaća, budu prikladno i uredno odjeveni.

Član 30.

(Održavanje reda na sjednici)

(1) O redu na sjednici stara se predsjedavajući sjednicom Gradskog vijeća, radnih tijela Gradskog vijeća, odnosno drugih organa i tijela.

(2) Za oblike narušavanja reda iz člana 29. stav (2) ovog Kodeksa predsjedavajući sjednicom, može opomenuti izabranog zvaničnika da njegovo ponašanje ili govor nije u skladu s ovim Kodeksom.

(3) Ukoliko lice iz stava (2) ovog člana nastavi sa neprimjerenim ponašanjem predsjedavajući sjednicom je dužan prijaviti kršenje odredbi ovog Kodeksa.

(4) Ukoliko sjednicu ometa zaposlenik gradske uprave na način opisan u članu 29. stav (2) ovog Kodeksa, predsjedavajući sjednicom je dužan to lice prijaviti rukovodiocu organa uprave.

(5) Ukoliko je lice građanin, predsjedavajući sjednicom će zatražiti pomoć policijskih organa i dati im sve potrebne informacije s ciljem pokretanja prekršajnog postupka.

Član 31.

(Podnošenje prigovora Etičkoj komisiji)

(1) O održavanju reda na sjednici Vijeća stara se predsjedavajući Gradskog vijeća na način propisan članom 106. Poslovnika.

(2) Za povredu reda na sjednici predsjedavajući Vijeća može vijećniku izreći mjere propisane članom 107. stav (1) tačka a), b) i c) Poslovnika.

(3) Govornik, kojem je predsjedavajući Vijeća izrekao neku od mjera iz člana 107. stav (1) Poslovnika, može protiv iste podnijeti prigovor Etičkoj komisiji iz člana 42. ovog Kodeksa.

DIO ČETVRTI –MEĐUSOBNI ODNOSI IZABRANIH ZVANIČNIKA I ZAPOSLENIKA U GRADSKOJ UPRAVI

Član 32.

(Unapređenje uloge zaposlenika u gradskoj upravi)

(1) U obavljanju svojih funkcija, izabrani zvaničnici osigurat će da se uloga i zadaci zaposlenika u gradskoj upravi, ostvaruju u potpunosti.

(2) Izabrani zvaničnici će poticati i razvijati motivacione elemente da svi zaposlenici rade efektivno i efikasno, stručno, odgovorno, zakonito, pouzdano i kreativno.

Član 33.

(Poštivanje uloge zaposlenika u gradskoj upravi)

(1) U obavljanju svojih dužnosti, izabrani zvaničnici uvažavat će prava i ovlaštenja zaposlenika u gradskoj upravi, bez predrasuda u pogledu legitimnog provođenja hijerarhijskog autoriteta.

(2) U službenom komuniciranju izabrani zvaničnici njegovat će kulturu dijaloga i lijepe riječi, izbjegavajući konflikte.

(3) Izabrani zvaničnici neće zahtijevati od zaposlenika u gradskoj upravi, da poduzimaju ili da propuste poduzeti bilo kakve radnje kako bi na taj način sebi ili drugima pribavili direktnu ili indirektnu korist.

(4) Izabrani zvaničnici neće svojim ponašanjem podsticati ili pomagati zaposlenim u gradskoj upravi da se u izvršavanju povjerenih funkcija krše odredbe ovog Kodeksa.

Član 34.

(Postavljanje zaposlenika)

Vlastitim ponašanjem, izabrani zvaničnici onemogućavat će protežiranje imenovanja

zaposlenika po osnovi političke pripadnosti mimo utvrđene procedure i profesionalne sposobnosti.

Član 35.

(Odnos zaposlenika prema izabranim zvaničnicima)

(1) U svim oblicima komunikacije s izabranim zvaničnicima u kojima predstavljaju gradsku upravu, zaposlenici su posebno dužni da se, osim zakonskih propisa, pridržavaju Etičkog kodeksa za državne službenike i namještenike u organima državne službe Unsko-sanskog kantona, odredaba ovog Kodeksa kao i moralnih načela društva, pazeći pri tome na ugled gradske uprave kao i Grada u cjelini.

(2) U slučaju nepoštivanja pravila i principa navedenih Kodeksa, izabrani zvaničnik će zahtijevati od gradonačelnika poduzimanje određenih mjera protiv zaposlenika u skladu sa zakonom i drugim propisima.

DIO PETI- ODNOSI S JAVNOŠĆU I ODNOSI PREMA GRAĐANIMA

Član 36.

(Objavljivanje i obrazloženje odluka)

(1) Izabrani zvaničnici su odgovorni građanima Grada Bihaća za vrijeme svog mandata.

(2) Izabrani zvaničnici su obavezni na opravdan zahtjev javnosti detaljno obrazložiti svaku odluku koju donesu, navodeći sve činjenice na kojima je odluka zasnovana, a posebno pravila i propise koji su primijenjeni i ukazujući na to u kom smislu je ta odluka u skladu s tim pravilima i propisima. U slučaju kada je takva informacija povjerljiva, razlozi za to će biti objašnjeni.

(3) Izabrani zvaničnici su obavezni s dužnom pažnjom odgovarati na bilo koji javno izrečeni zahtjev koji se odnosi na obavljanje njihovih funkcija, obrazloženje njihovih postupaka ili funkcionisanje službi i organa za čiji rad oni snose odgovornost.

(4) Izabrani zvaničnici će podržavati i podsticati sve postupke i mjere koje znače transparentnost u vršenju njihove funkcije i u funkcionisanju službi i organa za čiji rad su odgovorni.

Član 37.

(Medijski nastup)

(1) U medijskim nastupima izabrani zvaničnici će iskreno i u potpunosti pružati sve potrebne informacije vezane za obavljanje svojih dužnosti, izbjegavajući pritom obmanjivanje i manipulaciju građana.

(2) Pri davanju informacija medijima, izabrani zvaničnik može javnost upoznati i o vlastitom stavu u vezi sa nekim aktuelnim problemom.

(3) Izabrani zvaničnici neće medijima davati povjerljive informacije niti informacije koje se odnose na privatni život izabranih zvaničnika.

(4) Izabrani zvaničnici ohrabrivat će i podsticati sve mjere koje imaju za cilj unapređenje medijskog praćenja njihovih aktivnosti i odgovornosti pri obavljanju njihovih dužnosti i funkcionisanja organa za čiji rad su odgovorni.

Član 38.

(Djelovanje u korist svih građana)

(1) Izabrani zvaničnici će djelovati u korist svih građana na području grada, uključujući i one koji im nisu povjerali svoj glas.

(2) U službenoj i privatnoj komunikaciji s građanima, izabrani zvaničnici će biti strpljivi, pristojni i ljubazni.

DIO ŠESTI–OBLAST NADZORA

Član 39.

(Ograničavanje i objavljivanje iznosa troškova predizborne kampanje)

(1) Kandidati za izabrane zvaničnike troškove svoje predizborne kampanje držat će u srazmjeri i u okviru razumnih granica.

(2) Kandidati za izabrane zvaničnike uredno će se pridržavati svih zahtjeva predviđenih važećim propisima, koji podrazumijevaju da izvor i iznos sredstava namijenjenih za finansiranje kampanje, kao i priroda i visina utrošenih sredstava, budu objavljeni.

Član 40.

(Deklaracija interesa)

Izabrani zvaničnici će se pridržavati svih zahtjeva predviđenih važećim propisima, koji znače da njihov direktan ili indirektan lični interes, ostali mandati, funkcije i zanimanja ili promjene u njihovoj imovini, budu objavljeni i kontrolisani.

Član 41.

(Saglasnost sa mjerama nadzora)

(1) U obavljanju svojih funkcija, izabrani zvaničnici neće ometati primjenu bilo koje mjere nadzora, koju na osnovu svojih legitimnih prava, odluče primijeniti organi unutrašnje ili vanjske kontrole i obavezno će se pridržavati svake privremene ili konačne odluke tih organa.

(2) U obrazloženjima svojih postupaka i odluka koje predstavljaju predmet nadzora, oni će izričito spomenuti postojanje mjera nadzora i navesti organe nadležne za njihovu primjenu.

DIO SEDMI- PRAĆENJE KODEKSA**Član 42.
(Etička komisija)**

(1) Praćenje i nadzor nad poštivanjem odredaba ovog Kodeksa vrši Etička komisija koju imenuje Gradsko vijeće na prijedlog Komisije za izbor i imenovanje.

(2) Etička komisija je radno tijelo Gradskog vijeća.

(3) Sjedište Etičke komisije je u zgradi Grada Bihaća, ul. Bosanska br. 4.

(4) Etička komisija u svom radu koristi pečat Gradskog vijeća Grada Bihaća.

**Član 43.
(Sastav i imenovanje Etičke komisije)**

(1) Etička komisija ima sedam (7) članova.

(2) Predsjednik i dva člana Etičke komisije biraju se iz reda vijećnika, dok se ostali članovi biraju iz reda predstavnika mjesnih zajednica, civilnog društva i predstavnika medija.

(3) Etička komisija donosi Poslovnik o svome radu kojim se uređuje: nadležnost predsjednika i članova Komisije, postupak rješavanja podnesenih prijava i žalbi, način rada i odlučivanja i druga pitanja.

**Član 44.
(Mandat Etičke komisije)**

(1) Mandat članova Etičke komisije traje 4 godine i to za period trajanja mandata saziva Gradskog vijeća, a članovi Etičke komisije iz reda civilnog društva, mjesnih zajednica i predstavnika medija nakon isteka mandata mogu ponovno biti birani.

(2) Mandat novoimenovanih članova Etičke komisije traje do kraja mandata aktualnog saziva Gradskog vijeća.

DIO OSMI- PRIJAVA ZA KRŠENJE KODEKSA**Poglavlje I. Postupak podnošenja prijave****Član 45.
(Podnošenje prijave)**

(1) Svaki izabrani zvaničnik, savjetnik i drugo zaposleno lice u gradskoj upravi, kao i građanin Grada Bihaća, ima pravo i mogućnost podnošenja prijave za sve oblike kršenja odredaba ovog Kodeksa.

(2) Prijava za kršenje Kodeksa podnosi se na propisanom obrascu i ne može biti anonimna. Prijava mora sadržavati ime podnosioca prijave i kontakt adresu.

(3) Prijava se dostavlja u zatvorenoj koverti s naznakom za Etičku komisiju.

(4) Identitet podnosioca prijave ostaje poznat samo članovima Etičke komisije i zvaničnika na kojeg se odnosi do okončanja provjere. O eventualnom otkrivanju identiteta podnosioca prijave, nakon provedenog postupka provjere, odlučuje Etička komisija.

(5) Podnosilac prijave je dužan uz prijavu priložiti pisane ili druge dokaze na osnovu kojih smatra da je izvršena povreda Etičkog kodeksa. Anonimne prijave Etička komisija neće uzeti u razmatranje.

**Član 46.
(Postupanje po prijavi)**

(1) Ako Etička komisija zaključi da prijava nije kompletna niti dovoljno jasna, može zatražiti od podnosioca prijave dodatne informacije prije poduzimanja daljnjih mjera provjere.

(2) Ako Etička komisija primi prijavu koja se odnosi na kršenje zakona i drugih propisa dužna je obavijestiti podnosioca o nadležnom organu za postupanje po toj prijavi.

Poglavlje II. Provjera prijave**Član 47.
(Postupak provjere prijave)**

(1) Etička komisija će pokrenuti provjeru navoda iz prijave u roku od 8 dana od dana prijema prijave.

(2) Etička komisija je dužna nakon provjere navoda iz prijave u roku od 3 dana obavijestiti izabranog zvaničnika o podnesenoj prijavi te zatražiti da izabrani zvaničnik na koga se prijava odnosi u roku od 8 dana odgovori u pisanoj formi ili obezbijediti informacije (dokumente) koje smatra relevantnim za raspravu pred Etičkom komisijom.

(3) Etička komisija će dati priliku izabranom zvaničniku na koga se prijava odnosi da se sastane sa članovima Komisije i objasni situaciju koja je uzrokovala navodno kršenje Kodeksa.

(4) Podnosilac prijave se poziva da odgovori na pitanja članova Etičke komisije.

(5) Eventualni „svjedoci“ mogu, takodjer, biti pozvani na razgovor sa članovima Etičke komisije, ako je to u interesu utvrđivanja činjeničnog stanja.

(6) O cijelom toku postupka pred Etičkom komisijom vodi se zapisnik o čemu se stara Služba za stručne poslove Gradskog vijeća.

(7) Zapisnik se čuva u arhivi Etičke komisije u Službi za stručne poslove Gradskog vijeća.

Član 48.**(Izvještaj o rezultatima provjere prijave)**

(1) O činjenicama i rezultatima provjere Etička komisija će sačiniti izvještaj koji će dostaviti Gradskom vijeću i osobi na koju se prijava odnosila.

(2) Ako je Etička komisija zaključila da je prekršen Kodeks, izvještaj će sadržavati i prijedlog sankcija.

(3) Gradsko vijeće razmatra izvještaj Etičke komisije zajedno sa predloženom sankcijom.

(4) U toku postupka razmatranja izvještaja Etičke komisije i donošenja odluke, Gradsko vijeće može donijeti odluku da se isključi javnost.

**DIO DEVETI- POVREDE KODEKSA I
VRSTE SANKCIJA****Poglavlje I. Povrede Kodeksa****Član 49.****(Vrste povreda)**

Povrede ovog Kodeksa mogu biti lakše, teže i najteže.

Član 50.**(Lakše povrede Kodeksa)**

Lakšim povredama ovog Kodeksa smatra se narušavanje reda na sjednicama Gradskog vijeća i radnih tijela Gradskog vijeća, na način kako je utvrđeno u članu 29. stav (2) tačke a), b), c), d) h), i) j), k), l) i m).

Član 51.**(Teže povrede Kodeksa)**

Težim povredama ovog Kodeksa smatraju se:

- a) neprimjereno ponašanje u izbornoj kampanji iz člana 15. stav (2) ovog Kodeksa (korištenje uvredljivog rječnika i klevete);
- b) obmanjivanje i manipulacija građana u medijskim nastupima (član 37. stav (1) ovog Kodeksa);
- c) na bilo koji način sprečavanje medija da obavljaju svoj posao (član 37. ovog Kodeksa);
- d) nestrpljivo, nepristojno i neljubazno ponašanje prema građanima u službenoj i privatnoj komunikaciji (član 38. stav (2) ovog Kodeksa);
- e) narušavanje reda na sjednicama Gradskog vijeća i radnih tijela Gradskog vijeća, na način kako je utvrđeno u članu 29. stav (2) tačke e), f) i g);
- f) učestalo činjeno lakših povreda iz člana 50. ovog Kodeksa.

Član 52.**(Najteže povrede Kodeksa)**

Najtežim povredama ovog Kodeksa smatraju se:

- a) obavljanje povjerenih dužnosti na način kojim se krše odredbe zakonskih i podzakonskih akata o prekršajima (član 13. stav (3) ovog Kodeksa);
- b) obavljanje povjerenih dužnosti na način da se počini krivično djelo (član 13. stav (2) ovog Kodeksa);
- c) neprimjereno ponašanje u izbornoj kampanji iz člana 15. stav (2) ovog Kodeksa (korištenje nasilja i prijetnji);
- d) neobjelodanjivanje privatnog interesa prilikom razmatranja određenog pitanja na sjednici Gradskog vijeća i glasanje po pitanju u kojem se ima privatni interes (član 18. stav (2) ovog Kodeksa);
- e) zahtijevanje od zaposlenih u Gradskoj upravi da poduzimaju ili da propuste da preduzmu bilo kakve radnje kako bi na taj način sebi ili drugima pribavili direktnu ili indirektnu korist (član 33. stav (3) ovog Kodeksa);
- f) podsticanje i pomaganje zaposlenika gradske uprave da se u izvršavanju povjerenih funkcija krše odredbe ovog Kodeksa (član 33. stav (4) ovog Kodeksa);
- g) odavanje povjerljivih informacija i informacija koje se odnose na privatni život izabranih zvaničnika (član 37. stav (3) ovog Kodeksa).

Poglavlje II. Sankcije za kršenje Kodeksa**Član 53.****(Vrste sankcija)**

Za povrede ovog Kodeksa mogu se izreći slijedeće sankcije:

- a) opomena
- b) ukor
- c) javni ukor.

Član 54.**(Odluka o izricanju sankcije)**

Odluku o izricanju sankcije donosi Gradsko vijeće većinom glasova od ukupnog broja vijećnika, u skladu s Poslovníkom Gradskog vijeća.

Član 55.**(Opomena)**

Opomena se izriče izabranom zvaničniku za lakše povrede ovog Kodeksa utvrđene članom 50.

Član 56.**(Ukor)**

Ukor se izriče izabranom zvaničniku za teže povrede ovog Kodeksa utvrđene članom 51.

Član 57.
(Javni ukor)

Javni ukor se izriče izabranom zvaničniku za najteže povrede ovog Kodeksa utvrđene članom 52.

Član 58.
(Umanjenje naknade za obavljanje funkcije vijećnika)

Uz izrečene sankcije ukora i javnog ukora, izabranom zvaničniku obavezno se umanjuje naknada za obavljanje funkcije gradskog vijećnika, kako slijedi:

- a) uz ukor10% od ukupne naknade za obavljanje funkcije gradskog vijećnika u trajanju od 3 naredne sjednice od dana donošenja odluke Gradskog vijeća;
- b) uz javni ukor 20% od ukupne naknade za obavljanje funkcije gradskog vijećnika u trajanju od 3 naredne sjednice od dana donošenja odluke Gradskog vijeća.

Član 59.
(Umanjenje plaće Gradonačelniku)

Uz izrečene sankcije ukora i javnog ukora, Gradonačelniku obavezno se umanjuje plaća, kako slijedi :

- a) uz ukor - 5% od mjesečne plaće za naredni mjesec u odnosu na mjesec u kojem je donesena odluka Gradskog vijeća;
- b) uz javni ukor- 10% od mjesečne plaće za naredni mjesec u odnosu na mjesec u kojem je donesena odluka Gradskog vijeća.

DIO DESETI-IZVRŠENJE SANKCIJA

Član 60.
(Način izvršenja sankcija)

(1) Konačna Odluka o izrečenoj sankciji dostavlja se izabranom zvaničniku kojem je izrečena i strankama u postupku.

(2) Konačna Odluka o izricanju opomene izriče se javno na sjednici Gradskog vijeća, a primjerak odluke se dostavlja izabranom zvaničniku kojem je sankcija izrečena.

(3) Konačna Odluka o izricanju ukora izriče se javno na sjednici Gradskog vijeća i objavljuje se u Službenom glasniku Grada Bihaća.

(4) Pravosnažna Odluka o izricanju javnog ukora izriče se javno na sjednici Gradskog vijeća i objavljuje u Službenom glasniku Grada Bihaća i sredstvima javnog informisanja.

(5) Izrečena sankcija ne može se izvršiti nakon proteka jedne godine od njenog izricanja.

Član 61.
(Izvršenje umanjenja naknade i plaće)

(1) Umanjenje naknade za obavljanje funkcije gradskog vijećnika, iz člana 58. ovog Kodeksa, koje se izriče izabranom zvaničniku uz izrečene sankcije ukora i javnog ukora, izvršava se dostavljanjem Odluke Gradskog vijeća o izricanju sankcije Službi finansija, koja obezbjeđuje njeno izvršenje umanjenjem naknade vijećniku u skladu Odlukom.

(2) Umanjenje plaće gradonačelniku, iz člana 59. ovog Kodeksa, koje se izriče gradonačelniku uz izrečene sankcije ukora i javnog ukora, izvršava se dostavljanjem Odluke Gradskog vijeća o izricanju sankcije Službi finansija, koja obezbjeđuje njeno izvršenje umanjenjem plaće, u skladu s ovom Odlukom .

Član 62.
(Korištenje sredstava od izrečenih sankcija)

(1) Novac prikupljen od izrečenih sankcija bit će usmjeren u humanitarne svrhe.

(2) Odluku o usmjeravanju sredstava iz stava (1) ovog člana donosi Komisija za finansije i budžet.

DIO JEDANAESTI-PODRŠKA KODEKSU

Član 63.
(Aktivnosti na promociji Kodeksa)

Izabrani zvaničnici će svojim aktivnostima osigurati promociju ovog Kodeksa, kako javno tako i u medijima.

Član 64.
(Izjava o spremnosti)

(1) Izabrani zvaničnici će se upoznati sa sadržajem ovog Kodeksa i njegovim principima, nakon čega su dužni dati svečanu izjavu te potpisati izjavu o prihvatanju i obavezi poštivanja ovog Kodeksa.

(2) Pored predsjedavajućeg Gradskog vijeća, i predsjednik Etičke komisije će s najvećom pažnjom pratiti ostvarivanje principa utvrđenih ovim Kodeksom i bit će ovlašten da u svakom momentu upozori na obavezu ponašanja u skladu s Kodeksom, kao i da poduzme druge mjere propisane Kodeksom.

DIO DVANAESTI- ZAVRŠNE ODREDBE

Član 65.
(Prestanak važenja važećeg Kodeksa)

Stupanjem na snagu ovog Kodeksa prestaje da važi Etički Kodeks izabranih zvaničnika Općine Bihać („Službeni glasnik Općine Bihać“, broj: 9/08).

Član 66.**(Stupanje na snagu Kodeksa)**

Ovaj Kodeks stupa na snagu osmog dana od dana objavljivanja u Službenom glasniku Grada Bihaća.

Broj: GV-05-6467 /16
15. septembra 2016. godine
B i h a ć

Zamjenik
predsjedavajućeg
Gradskog vijeća
Mirsad Selmanović, s.r.

195.

Na osnovu člana 14. stav 4. Zakona o eksproprijaciji Federacije Bosne i Hercegovine („Službene novine Federacije BiH“, broj 70/07, 36/10 i 25/12) i člana 35.tačka c) Statuta Grada Bihaća („Službeni glasnik Grada Bihaća“, br.13/15), Gradsko vijeće Bihać na 26.sjednici održanoj dana 15.09.2016.godine, donosi:

ODLUKU

**O UTVRĐIVANJU JAVNOG INTERESA ZA
POTPUNU EKSPROPRIJACIJU
NEKRETNINA SVRHU REKONSTRUKCIJE I
DOGRADNJE MOSTA PREKO RIJEKE UNE
ZA NASELJE BREKOVICA U KORIST JU
ZAVOD ZA PROSTORNO UREĐENJE BIHAĆ**

I

Utvrđuje se da je od javnog interesa rekonstrukcija i dogradnja mosta preko rijeke Une za naselje Brekovica te da se u tu svrhu može pristupiti potpunoj eksproprijaciji nekretnina označenih kao:

- k.č.br.3352/6 u površini od 31 m2 upisana u posjedovni list broj: 1296 k.o.Brekovica kao suposjed Bosnić Alaga i Bosnić Ibro s 1/2 po novom katastarskom operatu, odnosno k.č.br.400/7 u površini od 31 m2 upisana u zk.ul.br.429 k.o. SP_BREKOVICA po starom kat. operatu suvlasništvo Dedić Mustafa sa 1/24, Dedić Muhamed sa 1/24, Omeradžić rođj.Bosnić Fatima sa 35/320, Hukarević rođj.Bosnić Vahida s 35/320, Omeradžić rođj.Bosnić Hatidža s 35/320, Džajić rođj.Bosnić Bilka s 35/320, Bosnić Nure sa 1/32, Bosnić Mujo s 1/32, Bosnić Atifa s 1/32, Bosnić Ćazim s 11/80, Ćehić Feho s 1/96, Ćehić Ervin s 1/96, Ćehić Enes s 1/96, Dedić Šefik s 1/24, Kapić Jusuf s 9/80 i Alidžanović Hasib s 1/16.
- k.č.br.3352/5 u površini od 18 m2 upisana u posjedovni list broj: 345 k.o.Brekovica kao posjed SLAPOVI NA UNI P.Z.D.E.E.POGON UNA sa 1/1 po novom katastarskom operatu, odnosno k.č.br.400/8 u površini od 18 m2 upisana u zk.ul.br.429 k.o. SP_BREKOVICA po starom kat.
- k.č.br.3211/2 u površini od 43 m2 upisana u posjedovni list broj: 347 k.o.Brekovica kao posjed DRUŠTVENA SVOJINA-VODE sa 1/1 po novom katastarskom operatu, odnosno k.č.br.403/14 u površini od 43 m2 upisana u zk.ul.br.83 k.o. SP_BREKOVICA po starom kat.operatu suvlasništvo Bosnić Alaga sa 1/12, Bosnić Ibro sa 1/24, Čaušević Huse sa 1/48, Zec Jovan sa 5/24, Alidžanović Hasan sa 1/24, Bosnić Memaga sa 1/12, Dedić Đulaga sa 1/12, Dedić Muhamed sa 1/72, Dedić Mustafa sa 1/72, Dedić Husein sa 1/72, Bosnić Hasib sa 1/30, Bosnić Izet sa 1/30, Bosnić Suad sa 1/30, Bosnić Fuad sa 1/30, Bosnić Ismet sa 1/60, Bosnić Fikret sa 1/60, Zec Mićo sa 5/24, Čaušević Zlatka sa 1/192, Čaušević Sedina sa 1/192, Čaušević Sead sa 1/192, Čaušević Rifeta sa 1/192.
- k.č.br.3212/2 u površini od 4 m2 upisana u posjedovni list broj: 342 k.o.Brekovica kao posjed DR.SV.JAVNI NEKATEGORISANI PUTOVI BIHAĆ sa 1/1 po novom katastarskom operatu, odnosno k.č.br.403/12 u površini od 4 m2 upisana u zk.ul.br.83 k.o. SP_BREKOVICA po starom kat. operatu suvlasništvo Bosnić Alaga sa 1/12, Bosnić Ibro sa 1/24, Čaušević Huse sa 1/48, Zec Jovan sa 5/24, Alidžanović Hasan sa 1/24, Bosnić Memaga sa 1/12, Dedić Đulaga sa 1/12, Dedić Muhamed sa 1/72, Dedić Mustafa sa 1/72, Dedić Husein sa 1/72, Bosnić Hasib sa 1/30, Bosnić Izet sa 1/30, Bosnić Suad sa 1/30, Bosnić Fuad sa 1/30, Bosnić Ismet sa 1/60, Bosnić Fikret sa 1/60, Zec Mićo sa 5/24, Čaušević Zlatka sa 1/192, Čaušević Sedina sa 1/192, Čaušević Sead sa 1/192, Čaušević Rifeta sa 1/192.
- k.č.br.3207/5 u površini od 131 m2 upisana u posjedovni list broj: 345 k.o.Brekovica kao posjed SLAPOVI NA UNI P.Z.D.E.E.POGON UNA sa 1/1 po novom katastarskom operatu, odnosno k.č.br.403/15 u površini od 131 m2 upisana u zk.ul.br. 83 k.o. SP_BREKOVICA po starom kat. operatu suvlasništvo Bosnić Alaga sa 1/12, Bosnić Ibro sa 1/24, Čaušević Huse sa 1/48, Zec Jovan sa 5/24, Alidžanović Hasan sa 1/24, Bosnić Memaga sa 1/12, Dedić Đulaga sa 1/12, Dedić Muhamed sa 1/72, Dedić Mustafa sa 1/72, Dedić Husein sa 1/72, Bosnić Hasib sa 1/30, Bosnić Izet sa 1/30,